



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐ Ռ. ՊԵՏՐՈՍՅԱՆ

«23» 08 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0152-21

Ձեռնարկողը՝

«Ասքմեդ Դիզայն» ՍՊԸ

Ք. Երևան Սայաթ-Նովա 25.2

Գործունեությունը՝

Գորիսի պր. Խ. Երիցյանի անվան Պետական
գյուղատնտեսական քոլեջի շենքի վերակառուցման և նոր
մասնաշենքի կառուցման շրջակա միջավայրի վրա
ազդեցության նախնական գնահատման հայտ

Սյունիքի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող՝



Խ. Մարտիրոսյան

Առդիր եզրակացությունը՝ 6 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ **0152-21**

<<**23**>>**08** 2021թ.

Գորիսի պր. Խ. Երիցյանի անվան Պետական գյուղատնտեսական քոլեջի շենքի վերակառուցման և նոր մասնաշենքի կառուցման շրջակա միջավայրի վրա ազդեցության նախնական գնահատման հայտ

Ներածական մաս

Ձեռնարկող՝

«Ասքմեդ Դիզայն» ՍՊԸ

Ներկայացված նյութեր՝

Նախնական գնահատման հայտ
Գ կատեգորիա

Տեղադրման վայրը՝

Սյունիքի մարզ, Գորիս համայնք

«Ասքմեդ Դիզայն» ՍՊԸ կողմից ներկայացված նախնական գնահատման հայտով նախատեսվում է՝ Սյունիքի մարզի Գորիս քաղաքի Առաքելյան փողոց 32 հասցեում գտնվող պրոֆեսոր Խ. Երիցյանի անվան պետական գյուղատնտեսական քոլեջի շենքի վերակառուցում և նոր մասնաշենքի կառուցում: Նախագիծը մշակվել է համաձայն Քաղաքաշինության կոմիտեի կողմից մշակված տեխնիկական առաջադրանքի, կոմիտեի հետ կնքված պայմանագրի և Գորիսի համայնքապետարանի կողմից տրված 2020թ. օգոստոսի 6-ի N93 նախագծման թույլտվության /ճարտարապետահատակագծային առաջադրանք/ հիման վրա:

Համաձայն նախնական գնահատման հայտի՝ քոլեջի կառուցման և վերակառուցման աշխատանքներն իրականացվելու են անշարժ գույքի սեփականության իրավունք ունեցող 0.6748հա ընդհանուր մակերեսով հողամասում: Հողամասի նպատակային նշանակությունը բնակավայրերի է, գործառնականը՝ հասարակական կառուցապատման: Գործունեության նպատակն է՝ սեյսմիկ անվտանգության բարելավման շրջանակներում ապահովել քոլեջի սեյսմիկ անվտանգությունը:

«Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 6-րդ մասի, 7) կետի ա. ենթակետի համաձայն նախատեսվող գործունեությունը հանդիսանում է Գ կատեգորիայի գործունեության տեսակ:



Նկարագրական մաս. Նախատեսվող գործունեությունն իրականացվելու է Գորիս համայնքում գործող քղեջի տարածքում: Դիտարկվող տարածքը գտնվում է Սյունիքի մարզի հյուսիս-արևելյան մասում, Բարգուշատի լեռնաշղթայի հյուսիսային լանջին: Գորիս քաղաքը տեղադրված է Որոտանի ձախափնյա վտակ Վարարակի (Գորիս) հովտում: Քաղաքի կենտրոնով անցնում է Գորիս գետը, որը սկիզբ է առնում Իշխանասար լեռան արևելյան լանջից:

Բնութագրվող տարածքը գտնվում է չափավոր շինարարակլիմայական գոտում՝ տաք ամառով, չափավոր ցուրտ ձմեռով, օդի բացարձակ առավելագույն ջերմաստիճանը կազմում է $+35^{\circ}\text{C}$, իսկ բացարձակ նվազագույն ջերմաստիճանը՝ -20°C : Տարեկան մթնոլորտային տեղումների քանակը հասնում է 744մմ:

Համաձայն հայտի գործունեության իրականացման տարածքը չի առնչվում Գորիս համայնքում գոյություն ունեցող մշակութային հուշարձանների, պահպանության ենթակա բնապահպանական տարածքների հետ: Տարածքը գտնվում է արդեն իսկ յուրացված և զարգացած քաղաքային միջավայրում, ուստի տեղանքում չկան Կարմիր գրքում գրանցված բուսատեսակներ և կենդանական տեսակներ:

Ըստ հայտի՝ տեղանքում իրականացված ուսումնասիրությունների ինժեներաերկրաբանական պայմանները գնահատվում են բարենպաստ նախագծվող քղեջի շինարարական աշխատանքների իրականացման համար:

Կառույցի տեխնիկատնտեսական ցուցանիշներն են՝

- հողատարածքի ընդհանուր մակերեսը՝ 6748.0քմ

Կառուցապատման մակերեսը՝

- գոյություն ունեցող երկհարկանի մասնաշենք – 456.60քմ

- նորակառույց ուսումնական մասնաշենք – 1257.0քմ

- նորակառույց սպորտային մասնաշենք – 412.90քմ

- տնտեսական մասնաշենք - 285.0քմ

- ջերմոց - 219.60քմ

- սպորտ հրապարակ – 680.0քմ

- բարեկարգում, կանաչապատում – 3459.60քմ:

Համաձայն հայտի նախատեսվող գործունեությունն իրենից ներկայացնում է երկհարկանի մասնաշենքի ուժեղացում/վերակառուցում, տարածքում գոյություն ունեցող մասնաշենքի քանդում և քղեջի համար նոր մասնաշենքի կառուցում:

Վերակառուցվող մասնաշենքի առաջին հարկում տեղադրված են՝ նախասրահ, բուֆետ, ուսուցչանոց և սանհանգույցներ, իսկ երկրորդ հարկում՝ վարչական նպատակով ծառայող սենյակներ, ուսուցչանոց, տնօրենի աշխատասենյակ և քղեջի 6 դասարաններ:

Համաձայն հայտի նոր մասնաշենքը նախագծված է չորս հարկանի, որն իրենից ներկայացնում է ուղղանկյուն շինություն և զբաղեցնում է 1257.0 քմ մակերես: Ուսումնական մասնաշենքի հարկայնությունը տարածքի 0.00-ական նիշի նկատմամբ երկու հարկ է ինչը համապատասխանում է առաջադրանքին, բայց քանի որ գոյություն ունեցող ռելիեֆն ունի կտրուկ թեքություն /անկումը 8.0 մ/, 0.00-ական նիշից ներքև ստացվել է ևս երկու հարկ և ունի առանձին մուտք: Մասնաշենքում նախատեսված են՝ նախասրահ, պահեստ, սպորտ դահլիճ, տղաների և աղջիկների համար հանդերձարաններ՝



ծավալով և 3309.4մ³ ծավալով շինարարական աղբը տեղափոխվելու են Գորիս համայնքի ղեկավարի հետ համաձայնեցված՝ համապատասխան քաղաքային աղբավայրեր: Շինարարության փուլում առաջանալու է մոտ 10 կգ/օր կենցաղային աղբ, ինչը կհավաքվի կենցաղային աղբի համար նախատեսվող տարաներում և կանոնավոր կերպով կհեռացվի հասարակական աղբամաններ:

Շինարարության ընթացքում մակերևութային ջրերի որակի վրա որևէ ազդեցություն չի կանխատեսվում, քանի որ շինարարական աշխատանքները կատարվելու են ցանկապատված շինհրապարակի ներսում: Տարածքի մակերևութային ջրերի հեռացումը կկատարվի կազմակերպված եղանակով, հեղեղատար կոյուղու համակարգի միջոցով՝ բացառելով շինհրապարակից հնարավոր արտահոսքերը: Այդ նպատակի համար տարածքի ցածրադիր մասերում տեղադրվելու է անձրևընդունիչ հորեր, որտեղից տարածքի անձրևաջրերը և շինհրապարակի հոսքաջրերը կազմակերպված ձևով կհեռացվեն տարածքից և կմիացվեն գործող քաղաքային հեղեղատար ցանցին՝ համաձայն տեխնիկական պայմանի:

Շինարարության ընթացքում բնառեսուրսներից օգտագործվելու է ջուր՝ շինհրապարակների տարածքների ջրցանի, հողի/գրունտի խոնավացման համար: Ջրցանի համար ջրի օրական ծախսը կկազմի՝ 0.3մ³, իսկ տարեկան՝ 46.2մ³/շին.ժամ, իսկ խմելու և կենցաղային նպատակների 90.4մ³/շին.ժամ, միջին օրեկան 0.587մ³: Ջրամատակարարումն իրականացվելու է տեխնիկական պայմանների համաձայն:

Շինարարության ողջ ընթացքում առաջացող յուղերի բանեցված մնացորդները (գնահատվում են ≤ 50 լ) կհավաքվեն և կպահվեն հերմետիկ փակ և մետաղական տարաներում, իսկ հետագայում կհանձնվեն վերջիններիս վերամշակմամբ զբաղվող լիցենզավորված կազմակերպության: Հրապարակում քայքայողների և հեղուկ վառելիքի տարաները կպահվեն հատուկ անթափանց (ավազե, մատաղական կամ բետոնե) հիմքերի վրա, ինչը կբացառի վերջիններիս արտահոսքով պայմանավորված հողային համակարգերի վրա հնարավոր աղտոտման ռիսկերը:

Շինարարության ընթացքում օգտագործվելու են շինարարական մեքենաներ և մեխանիզմներ՝ բուլդոզեր, ավտոբետոնապոմպ, էքսկավատոր, ավտոինքնաթափ, ավտոբետոնախանիչ, ամբարձիչ, եռակցման ագրեգատ և այլն: Նախատեսվող գործունեության շինարարության համար անհրաժեշտ բետոնը և շաղախը կառաքվեն մոտակա բետոնաշաղախային հանգույցներից՝ մասնագիտացած տրանսպորտային միջոցներով:

Համաձայն հայտի նախագծով նախատեսված աշխատանքների ավարտից հետո կառուցապատումից ազատ տարածքը նախատեսվում է բարեկարգել և կանաչապատել, իրականացնել ցանկապատման աշխատանքներ: Գոյություն ունեցող մասնաշենքի հարևանությամբ առկա կանաչապատ մակերեսները պահպանվելու են: Տարածքում առկա ծառերը չեն ենթարկվելու շինարարական աշխատանքների ազդեցության, կամ հատման:

Կանաչապատումը ներառում է՝ սիզամարգի տեսքով աշխատանքներ և ծառատունկ, նախատեսվում է նոր բուսահողի լիցք: Կանաչապատման համար օգտագործվելու է սոսի, կաղնի, գնդաձև ակացիա և հացենի և թփատեսակներ: Տարածքում գոյություն ունեցող կանաչապատ տարածքների մակերեսները կազմում են 2500քմ: Նոր կանաչապատ մակերեսները կկազմեն մոտ 1000 քմ մակերես, հասցնելով քույքի ողջ տարածքում



կանաչապատման ընդհանուր մակերեսը 3459.60քմ: Ոռոգումն իրականացվելու է գոյություն ունեցող ցանցից: Նոր տարածքների ոռոգումը կապահովվի պահանջվող ջրաքանակին համապատասխան՝ 5.5 խմ/օր ոռոգման համակարգի ջրի ծախսով:

Նախատեսվող գործունեության իրականացման ընթացքում շրջակա միջավայրի վրա ազդեցությունները կկրեն ժամանակավոր բնույթ՝ մինչև շինարարության ավարտը: Համաձայն նախնական գնահատման հայտի՝ նախատեսվում են օդային ավազանի, հողային և ջրային ռեսուրսների աղտոտումից պահպանման, դրանց արդյունավետ օգտագործման, թափոնների կառավարման, աղմուկի մակարդակի, արտակարգ իրավիճակների ռիսկի նվազեցմանն ուղղված բնապահպանական միջոցառումներ, որոնք ներառված են հայտի միջոցառումների ծրագրում և մոնիթորինգի պլանում, այդ թվում՝

- շինարարության ընթացքում օդային ավազան փոշու արտանետումների քանակը նվազեցնելու նպատակով շինհրապարակի պարբերաբար ջրցանում,
- շինարարական մեքենաների երթևեկության կազմակերպում՝ համապատասխան չափաքանակներով ծածկված բեռնատարներով և շինհրապարակից դուրս եկող ավտոմեքենաների լվացված անվադողերով,
- շինհրապարակում նյութերի և թափոնների պահումը բետոնե տարածքում՝ ծածկված վիճակում,
- շինհրապարակի ցանկապատում, ցուցանակների ու պաստառների տեղադրում,
- փոշու, աղմուկի և թրթռումների մակարդակի հսկողություն՝ գործիքային չափագրումների կատարմամբ,
- աղմուկ առաջացնող աշխատանքներն իրականացվելու են թույլատրելի մակարդակների սահմանում և ցերեկային ժամերին, մինչև ժամը 18:00,
- անսարք վիճակում մեքենաների և սարքավորումների օգտագործման բացառում,
- մեղմացնող միջոցառումների կատարումը և դրանց արդյունավետությունը ստուգելու նպատակով կանոնավոր մոնիթորինգի իրականացում,
- բոլոր մեքենաների վրա համապատասխան խլացուցիչների տեղադրում՝ աղմուկի մակարդակը նվազեցնելու նպատակով,
- շինարարության ընթացքում աղբի ու շինարարական թափոնների տարանջատում, դասակարգում ըստ տեսակների՝ պինդ, հեղուկ և վտանգավոր,
- քոլեջի կանաչապատված տարածքի աճի և վիճակի մշտադիտարկումներ,
- աշխատանքների և արտակարգ իրավիճակների անվտանգության ապահովում և այլն:

Պատճառաբանական մաս. Նախատեսվող գործունեությունն իրականացվելու է գոյություն ունեցող դպրոցի տարածքում: Գործունեության շինարարությունը և շահագործումն իրականացվելու է ՀՀ-ում գործող օրենսդրության և նորմատիվատեխնիկական փաստաթղթերի պահանջներին համապատասխան: Շրջակա միջավայրի վրա ազդեցությունները լինելու են շինարարության փուլում և կրելու են ժամանակավոր բնույթ: Հայտով նախատեսված միջոցառումների կատարման արդյունքում կնվազեցվեն շրջակա միջավայրի վրա հնարավոր բացասական ազդեցությունները: Օրենսդրությամբ սահմանված կարգով նախատեսվող գործունեության վերաբերյալ Սյունիքի մարզի Գորիս համայնքում իրականացվել են հանրային քննարկումներ, որի ընթացքում հանրությունը դրական է արտահայտվել: Փորձաքննական



գործընթացին ներգրավվել են առողջապահության, արտակարգ իրավիճակների, կրթության, գիտության, մշակույթի և սպորտի, քաղաքաշինության կոմիտեն, շրջակա միջավայրի նախարարության ստորաբաժանումները: Հայտը լրամշակվել է, հաշվի առնելով նաև ստացված դիտողությունները և առաջարկությունները:

Փորձաքննական պահանջներ

1. Շինարարական աշխատանքների իրականացման ընթացքում անհրաժեշտ է հետևել նախնական գնահատման հայտով ամրագրված բնապահպանական միջոցառումների կատարմանը, իսկ դրանց չբավարարման դեպքում նախատեսել լրացուցիչ միջոցառումներ՝ ուղղված բնապահպանական և շինարարական նորմերի պահպանմանը:
2. Նախատեսվող շինարարական աշխատանքներն անհրաժեշտ է կատարել օրվա ցերեկային ժամերին՝ հնարավորինս նվազագույնի հասցնելով բնակելի տարածքներում աղմուկի և ճանապարհների բեռնվածությունը:
3. Բետոնի տեղափոխումն իրականացնել հայտում նախատեսված ձևով՝ բացառելով շինարարական հրապարակում կամ հարակից տարածքներում բետոնի արտադրությունը:
4. Նախատեսվող գործունեության իրականացման ընթացքում պահպանել արտակարգ իրավիճակների և աշխատանքի անվտանգության ՀՀ օրենսդրությամբ սահմանված նորմերն ու կանոնները, ներառյալ առողջապահության նախարարի 2017թ. մարտի 28-ի թիվ 12-Ն հրամանի պահանջները:
5. Անհրաժեշտ է ապահովել հայտով ամրագրված կանաչապատման աշխատանքների իրականացումը և խնամքը:

ԵԶՐԱՓԱԿԻՉ ՄԱՍ

«Ասքմեդ Դիզայն» ՍՊԸ-ի կողմից ներկայացված Գորիսի պր. Խ. Երիցյանի անվան Պետական գյուղատնտեսական քոլեջի շենքի վերակառուցման և նոր մասնաշենքի կառուցման շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն՝ փորձաքննական պահանջների պարտադիր կատարման պայմանով:

Գլխավոր մասնագետ



Ա. Վարդանյան